

अब मारी सुरता भजन मे लागी

(मूरख नै समझावतां, ग्यान गांठ रो जाय।
कोयलो हुवै न ऊजलो, सौ मण साबुण लाय।।)

सतगुरु मिलिया पागी ,
अब मारी सुरता भजन मे लागी।

जडी बूटी ओखद कारी ,
दवा दारु सब त्यागी।
तंतर मंतर जंतर सारा ,
लाजी बाजी हम त्यागी।
अब मारी सुरता भजन मे लागी।
सतगुरु मिलिया पागी....

पोती पुस्तक ज्योतक सारा ,
बाछ बाछ ने त्यागी।
तीर्थ व्रत नेम रा बधन ,
सेवा पूजा हम त्यागी।
अब मारी सुरता भजन मे लागी।
सतगुरु मिलिया पागी....

कुदरत रा खेल कुदरत से होवे ,
मत भूलो बडभागी।
धीरे धीरे सब कुछ होवे ,
मन री कल्पना त्यागी।
अब मारी सुरता भजन मे लागी।
सतगुरु मिलिया पागी....

सतगुरु मिलिया संचय टलिया ,
भेद भ्रम सब भागी।
कहे हेमनाथ सुणो भाई संतों ,
निर्भय हुआ बडभागी।
अब मारी सुरता भजन मे लागी।
सतगुरु मिलिया पागी....

<https://bhajanganga.com/bhajan/lyrics/id/25603/title/ab-mari-surta-bhajan-me-laagi>

अपने Android मोबाइल पर [BhajanGanga](#) App डाउनलोड करें और भजनों का आनंद ले |